



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De Beata Elizabeth de Sconauia, quae ad illum versiculu[m], Audi nos, &c.
vidit sanctam Mariam flexis genibus Christum pro conuentu orare, cap. 31.

urn:nbn:de:hbz:466:1-13177

cantas, nunquam tonitrua neque fulmina, quorum timore sæpius affligeris, te lædent, sicque ad altare rediens, in oculis meis disparuit; & statim intellexi, quia ipsa esset clemens illa, pia, ac dulcis virgo Maria. Ab illa hora, usque hodie, a timore prædicto tempestatum, quo nimis afficiebar, meritis beatæ virginis liberatus sum. APOLLONIUS. Quantum ex hac visione colligo, videtur quod in sequentiis, cantilenis, & hymnis, aliisque cantibus, in eius honore dictaris, plurimum delectetur. CAESAR. Hoc certum est, si tamen humiliter ac deuotè eis laudetur.

CAPVT XXXI.

Tempore quodam, sicut ex relatione religiosorum didici, cum conuentus sanctimonialium in Scouania, sequentiam, Ave præclara maris stella, in laudationem Mariæ, in quadam solenitate sanctæ Dei genitricis decantaret deuotissimè; venerabilis virgo Elizabeth, tunc ibidem magistra, mentis excessum passa, ad illum versiculum: Audi nos, nam te filius nihil negans honorat: Vidit Dominam nostram flexis genibus pro eodem conuentu preces fundentem. Ab illa autem die usque hodie, ex institutione iam dictæ Elizabeth, idem conuentus ad eundem versiculum, cum sequentia decantatur, veniam petere consuevit.

CAPVT XXXII.

Apud monasterium sancti Chrysanthi scholasticus quidam fuit, nomine Daniel, pueros illic instituens: huic consuetudo fuit, diebus singulis eiusdem ecclesiæ cryptam intrare, & coram altari flexis genibus prædictam sequentiam in honore Dei genitricis Mariæ decantare. Hoc cum per aliquod tempus actitasset, & ad illum versiculum: Ora virgo nos illo pane cœli dignos effici, semper surgendo veniam peteret; die quadam beata virgo super altare stans illi apparuit, & panem paruulum niue candidiorem manu tenens, vt os aperiret præcepit, quem cum ori eius immisisset, tantâ ex eo sensit dulcedinè, vt omne mel & fauum superet. Iuuenem hunc dominus Daniel Abbas Scouaniæ bene nouit, qui mihi ipsam visionem

reci-